

Minister Edwin Abath a felicita cantante Caro Emerald

E ganado di Popprijs 2010 ta yiu di mama Arubiano

DEN HAAG, Hulanda – Minister Plenipotenciario sr. Edwin Abath a manda un carta di felicitacion na e cantante Caro Emerald, despues cu den fin di siman a ricibi e Popprijs 2010 durante di e festival musical Noorderslag na Groningen. E Popprijs ta un di e premionan mas prestigioso na Hulanda pa artistanan pop.

Den su carta sr. Abath a bisa cu e exito di Caro Emerald tambe a yega na atencion di e publico na Aruba. Caro Emerald su mama ta Arubiano. ‘Ta pesey mi ta felicitabo den nomber di henter Aruba cu e premio aki. Nos ta deseabo tur clase di exito den bo futuro carera musical y cu nos lo por disfruta

hopi tempo di bo talento di canto,’ asina e mandatario a bisa.

E hurado di e Popprijs tabata tin palabra di elogio pa Caro Emerald y a cualifica ‘como un fenomeno di taya internacional den un forma cu e hurado desde 25 aña cu e Popprijs aki ta keda otorga masha tiki a keda experiencia.’ E premio ta pa un artista of banda cu e ultimo aña a contribui na e musica pop Hulandes.

E premio ta consisti di un suma di dies mil Euro y un escultura di Theo Mackaay. Premiadonan den pasado tabata entre otro Herman Brood, Anouk, Within Temptation y Junkie XL.



Minister Edwin Abath